



INITIATIVE FOR AGRICULTURAL DEVELOPMENT OF KOSOVO
INICIATIVA PËR ZHVILLIMIN E BUJQËSISË SË KOSOVËS
INICIATIVA ZA POLJOPRIVREDNI RAZVOJ KOSOVA



Komuna e Vushtrrisë

REPUBLICA E KOSOVËS - REPUBLIKA KOSOVO
KOMUNA E VUSHTRRISË - OPŠTINA VUČITRIN
02 Nr. / Br 231/20
Nr. i fq. / Br. sh -04-
Data: / Datum 26.02.2020
VUSHTRRI - VUČITRIN

MARRËVESHJE PËR BASHKËPUNIM – (MpB)

në mes të

- Iniciativa për Zhvillimin e Bujqësisë së Kosovës, me regjistrim Nr: 5200122-6 – përfaqësuar nga z. Zenel Bunjaku, Drejtor, në tekstin e mëtejshëm i referuar si “IADK”

dhe

- Komunës së Vushtrrisë, përfaqësuar nga z. Xhafer Tahiri Kryetar i komunës, në tekstin e mëtejshëm i referuar si “Komuna e Vushtrrisë”

**Neni 1.
Lënda e MpB**

IADK-ja dhe Komuna e Vushtrrisë (tani e tutje referuar si Palët) pajtohen të rregullojnë një bashkëpunim të afërt me qëllim të ngritjes së kapaciteteve profesionale dhe përkrahjes me grante për fermerët, gratë, të rinjtë dhe studentët në Komunën e Vushtrrisë.

**Neni 2
Qëllimi**

2.1 Kjo MpB ka qëllimin të përshkruajë bashkëpunimin në mes të Palëve gjatë periudhës 2020-2022, bazuar në zbatimin e projektit “Përmirësimi i punësimit dhe mundësive për gjenerim të të ardhurave në zonat rurale të Kosovës” i financuar nga Donatori BfdW nga Gjermania dhe zbatuar nga IADK, që do të shtrihet në komunat: Vushtrri, Skenderaj, Drenas, Shtime, Viti dhe Kamenicë. Përmes këtij projekti synohet ngritja e kapaciteteve profesionale dhe përkrahja direkte me grante në sektorin e bujqësisë dhe përpunimit të prodhimeve bujqësore, si dhe investimi në ndërtimin e një objekti shtesë-njësisë përpunuese për demonstrimin e praktikave gjatë trajnimeve në sektorin e përpunimit të prodhimeve bujqësore.

2.2 Projekti do të arrijë rezultate të prekshme, nga ku do të mbështeten:

2.1.1 do të përkrahen 105 të rinj me këshilla praktike dhe teorike me qëllim punësimi dhe gjenerimi të të ardhurave, nga të cilët 15 do të kenë mundësi punësimi pas punës praktike dhe 50 të tjerë do të përkrahen me grante për vetë punësim,

2.1.2 do të trajnohen dhe aftësohen 240 gra në fushën e përpunimit dhe do të certifikohen

2.1.3 do të ngriten pesë (5) pika përpunuese (fruta, perime, ëmbëlsira) dhe do të punësohen 15 gra të tjera,

2.1.4 do të aftësohen 90 fermerë të sektorëve potencial me këshilla praktike dhe teorike, nga ku do të mbështeten me grante 74 fermer me qëllim të vetë punësimit,

Adresa:

Sfaraçak i Ulët nr.11
42000 Vushtrri

Je yetojme nga toka dhe puna jonë!
Let us live from our land and work!

E-mail: info@iadc.org

Tel: 049777046 & 044777036

Web: www.iadc.org

- 2.1.5 do të mbështeten 130 nga total përfituesit me trajnime në përmirësim të marketingut,
2.1.6 do të marrin pjesë 190 përfitues në vizita për shkëmbim të eksperiencave brenda Kosovës,
2.1.7 do të ndërtohet objekti shtesë-njësia përpunuese në Qendren Edukuese të Fermerëve (IADK),
për demonstrim të praktikave gjatë trajnimeve në sektorin e përpunimit të prodhimeve bujqësore.

Neni 3.

OBLIGIMET E KOMUNËS SË VUSHTRISË

Bashkëfinancimi në ndërtimin e objektit shtesë-njesisë përpunuese

- 3.1 Komuna e Vushtrrisë pajtohet të mbështes IADK-në në ndërtimin e objektit shtesë, i cili do të shërbej si njësi për demonstrimin e praktikave të përpunimit të prodhimeve bujqësore gjatë trajnimeve me fermerët, grupet e grave, të rinjët etj, duke kontribuar në bashkëfinancimin e shpenzimeve të ndërlidhura me ndërtimin e objektit shtesë-njesisë përpunuese me sipërfaqe prej 208 m², specifikisht mbështetjen në të gjitha procedurat që ndërlidhen në procesin e legalizimit të ndërtimit të objektit, deri në lëshimin në funksion.
- 3.2 Gjithashtu, Komuna e Vushtrrisë do të lehtësoj dhe kontribuoj në procedurat e Akreditimit dhe Validimit të IADK-së nga Autoriteti Kombëtar i Kualifikimeve (AKK), në sektorët e përpunimit të prodhimeve bujqësore (pemë, perime, qumësht, gatimin e ushqimeve) që lidhen me trajnimet profesionale të grave dhe palëve të interesuara në Komunën e Vushtrrisë dhe komunat tjera.
- 3.3 Vlera totale e investimeve për funksionalizim të objektit është afërsisht 100,000.00 Euro, dhe Komuna e Vushtrrisë do të kontribuoj/bashkëfinancoj me vlerë prej 6,000.00 Euro, ku 50% e kësaj shume (3,000.00 €) do të transferohet nga ana e Komunës së Vushtrrisë pas nënshkrimit të kësaj marrëveshje, ndërsa pjesa tjetër (3,000.00 €) pas funksionalizimit të objektit (lejes për përdorim të objektit).
- 3.4 Transferet e pagesave do të kryhen pasi IADK do të dorëzoj kërkesën për pagesë në Komunën e Vushtrrisë bazuar në këtë MpB.

Neni 4.

Bashkëfinancimi në grantet përkrahëse për përfituesit dhe aftësimin profesional të tyre

Komuna e Vushtrrisë do të bashkëfinancoj në projektet përkrahëse të IADK-së, të cilat do të shpërndahen për përfituesit e Komunës së Vushtrrisë, me vlerë prej 20 % të bashkëfinancimit për përfituesit e përzgjedhur dhe mbështetur, dhe atë si vijon:

- 4.1 Për përkrahje me grante direkte për një fermer përfitues, vlera mesatare e përkrahjes do të jetë 3,000.00 € (2,400.00 € IADK dhe Përfituesi dhe 600.00 € Komuna e Vushtrrisë);
- 4.2 Për përkrahje me grante direkte për një përfitues të njësisë përpunuese (pemë, perime, qumësht, ëmbersiara etj), vlera mesatare e një granti për femra do të jetë 12,000.00 € (9,600.00 € IADK dhe Përfituesja dhe 2,400.00 € Komuna e Vushtrrisë);
- 4.3 Për përkrahje në shpenzimet operacionale (përzgjedhja e përfituesve, këshilla direkte, trajnime, vizita, komunikime, materiale edukuese, raportimet dhe monitorimet sipas kontrates me përfitues), të cilat do të llogariten sipas numrit të përfituesve dhe vlerës së grantit për përfituesin;
- 4.4 Në rastin e grantit në vlerë prej 3,000.00 € - shpenzimet operacionale do të jenë 900.00 €, (720.00 € IADK dhe 180.00 € Komuna e Vushtrrisë);
- 4.5 Në rastin e grantit për njësi përpunuese në vlerë prej 12,000.00 € - shpenzimet operacionale përfshirë këtu edhe trajnimin grupor prej 10-15 gra do të jenë 3,600.00 €. (2,880.00 € IADK dhe 720.00 € Komuna e Vushtrrisë);
- 4.6 Numri i përfituesve (fermerëve, studentëve, grave, të rinjëve) do të varet nga buxheti në dispozicion të cilin IADK do ta siguroj nga donatorët (në këtë rast nga Donatori BfdW nga Gjermania), numrit të aplikacioneve, numrit të përfituesve që plotësojnë kriteret;

Adresa:

Sfaraçak i Ulët nr.11

42000 Vushtrri

Je jetojme nga taëa dhe puna jonë!

Let us live from our land and work!

E-mail: info@iadc.org

Tel: 049777046 & 044777036

Web: www.iadc.org

B.M.



- 4.7 Përzgjedhja e përfituesve do të bëhet nga komisioni i përbashkët me ekspert të IADK-së dhe Komunës së Vushtrrisë;
- 4.8 Komuna e Vushtrrisë do të kryej pagesat sipas obligimeve të cekura në nenin 4, pasi IADK të dorëzoj raportin dhe kërkesën për pagesë për projektet e realizuara me numrin e përfituesve;
- 4.9 Pagesa do të bëhet në TEB Bankë në depozitim në Nr.xhir:2027-000021-7128-84, në emër të IADK-së, dhe jo më vonë se fundi i muajit nëntor të vitit përkatës, kur realizohen projektet.

Neni 5. OBLIGIMET E IADK-së

- 5.1 IADK do të organizoi një sesion informues përmes të cilit pjesëmarrësit do të njoftohen lidhur me qëllimin e projektit, aktivitetet e projektit, si dhe mënyrën se si mund të përfshihen në projekt;
- 5.2 IADK do të punojë ngushtë me Drejtorinë për Ekonomi, Bujqësi, Pylltari dhe Zhvillim Rural të Komunës së Vushtrrisë në përzgjedhjen, monitorimin dhe mbikëqyrjen e aktiviteteve të përfituesve;
- 5.3 IADK është përgjegjëse për zbatimin dhe mbikëqyrjen e tërë procesit të furnizimit dhe shpërndarjes së artikujve, pajisjeve dhe materialeve që e përbëjnë paketat specifike për përfituesit e granteve;
- 5.4 IADK do të organizoi trajnime, këshilla direkte, vizita, monitorime të rregullta për përfituesit, si dhe ofron materiale të nevojshme trajnuese;
- 5.5 IADK do të angazhojë student për përkrahje me punë praktike me pagesë. Numri i tyre varet nga interesimi dhe plotësimi i kriterëve. Puna praktike për student mund të kryhet edhe në Komunën e Vushtrrisë, brenda departamenteve përkatëse;
- 5.6 Për punën praktike tremujore për çdo student të Komunës së Vushtrrisë, të përzgjedhur për përkrahje me punë praktike mbështetja financiare për shpenzime të transportit, ushqimit dhe komunikimit do të jetë 600.00 € nga IADK (200 €/1muaj);
- 5.7 IADK do të bëjë investime në ndërtimin e objektit shtesë – njësisë përpunuese, investime në inventar dhe paisje të nevojshme për objektin, gjithashtu do të investoj me asete humane në validim dhe akreditim të moduleve të nevojshme për të bërë njësinë përpunuese operationale;
- 5.8 IADK pas realizimit të projekteve do të raportoj tek Komuna e Vushtrrisë për rezultatet e arritura nga aktivitetet e realizuara në kudër të kësaj MpB.

Neni 6 Personat Kontaktues

- 6.1 Palët do të emërojnë nga një përfaqësues që të rregullojnë kontaktet më të lehta dhe të drejtpërdrejta në mes dy partnerëve. Këta persona do të përfshiheshin drejt për së drejti në implementimin e qetë dhe kohor të kësaj MpB.
- 6.2 IADK do të përfaqësohet nga z. Sylejman Bunjaku, ndërsa Komuna e Vushtrrisë nga znj. Rabije Zahiti, shefe e Sektorit të bujqësisë në DEBPZHR.

Neni 7 Pajtueshmëria me ligjin

- 7.1 Kjo marrëveshje do të zbatohet në pajtim me ligjet në fuqi në Republikën e Kosovës.
- 7.2 Kjo marrëveshje nuk do të jetë në kundërshtim me asnjë marrëveshje bashkëpunimi që palët e kanë me palë të treta.

Adresa:

Sfaraçak i Ulët nr.11
42000 Vushtrri

Është jetojme nga toka dhe puna jonë!
Let us live from our land and work!

E-mail: info@iadc.org

Tel: 049777046 & 044777036

Web: www.iadc.org

B. M.

Neni 8
Zgjidhja e mosmarrëveshjeve

8.1 Palët do të zgjidhin në mënyrë miqësore, me bisedime, të gjitha mosmarrëveshjet, kundërthëniet apo ankesat që dalin, apo janë të lidhura me këtë Marrëveshje.

8.2 Nëse njëra nga palët argumenton mos zbatimin e kësaj marrëveshjeje, dhe atë vetëm pas konsultimeve paraprake me palën tjetër, atëherë ajo palë mund të tërhiqet nga marrëveshja.

Neni 9
Zgjatja amandamentimi dhe përfundimi i marrëveshjes

9.1 Palët mundën, me marrëveshje të dyanshme me shkrim, të zgjasin apo ndryshojnë dhe plotësojnë këtë marrëveshje.

9.2 Në rast të mosmarrëveshjes/pakënaqësisë nga ndonjëra palë, MpB mund të ndërpritet para afatit të paraparë duke dhënë një njoftim me shkrim 1- muaj më parë.

Neni 10
Përpilimi

Kjo marrëveshje është e përpiluar në një ekzemplar origjinal në gjuhën Shqipe për çdo palë. Secila palë do ta ketë një ekzemplar origjinal në gjuhën Shqipe të nënshkruar dhe të vulosur.

Neni 11
Hyrja në fuqi

Kjo MpB përfshinë periudhën nga Shkurti 2020 deri në Dhjetor 2022, dhe hynë në fuqi nga data e nënshkrimit nga të dy palët.

Iniciativa për Zhvillimin e Bujqësisë së Kosovës (IADK)

Zenel Bunjaku, Drejtor Ekzekutiv

Vushtrri 26.02 2020

Komuna e Vushtrrisë

Xhafer Tahiri, Kryetar

Vushtrri 26.02 2020

Adresa:

Sfëraçak i Ulët nr.11
42000 Vushtrri

Është jetojmë nga toka dhe puna jonë!
Let us live from our land and work!

E-mail: info@iadc.org

Tel: 049777046 & 044777036

Web: www.iadc.org